

Reglugerð framkvæmdastjórnarinnar (ESB) nr. 1147/2012

2013/EES/28/48

frá 4. desember 2012

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun á bývaxi (E 901), karnúbavaxi (E 903), skellakki (E 904) og örkristölluðu vaxi (E 905) á tiltekin aldin (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum ⁽¹⁾, einkum 3. mgr. 10. gr. og 5. mgr. 30. gr.,

og að teknu tilliti til eftirfarandi:

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Breyta má skránni í samræmi við málsmeðferðina sem um getur í reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum⁽²⁾.
- 3) Samkvæmt 1. mgr. 3. gr. reglugerðar (EB) nr. 1331/2008 má uppfæra skrá Evrópusambandsins yfir matvælaaukefni annaðhvort að frumkvæði framkvæmdastjórnarinnar eða í kjölfar umsóknar.
- 4) Framkvæmdastjórninni hafa borist nokkrar umsóknir um leyfi fyrir notkun bývax (E 901) á paprikur, tómata, gúrkur, banana, mangó og lárperur, á granatepli og öll aldin, fyrir notkun karnúbavax (E 903) og skellakks (E 904) á granatepli og mangó, lárperur og papæjaldin, og fyrir notkun örkristallaðs vax (E 905) á ananas. Þessar umsóknir hafa verið gerðar aðgengilegar fyrir aðildarríkin.
- 5) Óskað hefur verið eftir að nota megi bývax (E901), karnúbavax (E 903), skellakk (E904) og örkristallað vax (E 905) sem húðunarefni á þessi aldin eða þetta aldingrænmeti, til að tryggja betra geymsluþol. Sú meðhöndlun ver aldinin gegn þornun og oxun og hefur vaxtarhemjandi áhrif á myglu og tilteknar örverur. Af tæknilegum ástæðum er þörf á þessari meðhöndlun, einkum fyrir aldin sem eru flutt inn frá löndum með hitabeltisloftslag. Einnig þarf að verja þessi aldin í flutningum sem taka langan tíma.
- 6) Fyrirhugað er að nota þessi aukefni í matvælum til yfirborðsmeðhöndlunar og ekki er búist við því að þau berist í ætan hluta aldinanna. Af þessum sökum er ekki

líklegt að meðhöndlun aldina með hýði sem ekki er neytt hafi áhrif á heilbrigði manna. Því er rétt að leyfa notkun bývax (E 901), karnúbavax (E 903), skellakks (E 904) og örkristallaðs vax (E 905) á slík aldin sem eru aðallega flutt inn frá löndum með hitabeltisloftslag, þ.e. banana, mangó, lárperur, granatepli, papæjaldin og ananas.

- 7) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita áhlits Matvælaöryggisstofnunar Evrópu (hér á eftir nefnd Matvælaöryggisstofnunin) áður en hún uppfærir skrá Sambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að uppfærslan, sem um er að ræða, hafi áhrif á heilbrigði manna. Þar eð leyfi fyrir notkun bývax (E 901) á banana, mangó og granatepli, notkun karnúbavax (E 903) og skellakks (E 904) á granatepli, mangó, lárperur og papæjaldin og notkun örkristallaðs vax (E 905) á ananas telst vera uppfærsla á þeirri skrá sem ólíklegt er að hafi áhrif á heilbrigði manna, er ekki nauðsynlegt að leita áhlits Matvælaöryggisstofnunarinnar.
- 8) Framkvæmdastjórnin mun enn fremur taka til athugunar óskir um að nota vax á önnur aldin og á grænmeti, með tilliti til öryggis neytenda þegar vænta má að ytri hluta sé neytt, til tæknilegs rökstuðnings og til þess möguleika að villt sé um fyrir neytendum, þ.m.t. krafna varðandi merkingu.
- 9) Samkvæmt umbreytingarákvæðum reglugerðar framkvæmdastjórnarinnar (ESB) nr. 1129/2011 ⁽³⁾ gildir skráin yfir matvælaaukefni, sem sett er fram í II. viðauka við reglugerð (EB) nr. 1333/2008, að meginreglu til frá 1. júní 2013. Til að unnt sé að leyfa nýja notkun leyfilegra matvælaaukefna á markaðnum fyrir þessa dagsetningu er nauðsynlegt að tilgreina fyrri gildistökuðag að því er varðar þessa notkun.
- 10) Því ber að breyta II. viðauka við reglugerð (EB) nr. 1333/2008 til samræmis við það.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

SAMÞYKKT REGLUGERÐ ÞESSA

I. gr.

Breyting á reglugerð (EB) nr. 1333/2008

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

(*) Þessi EB-gerð birtist í Stjtið. ESB L 333, 5.12.2012, bls. 34. Hennar var getið í ákvörðun sameiginlegu EES-nefndarinnar nr. 63/2013 frá 3 maí 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 354, 31.12.2008, bls. 16

⁽²⁾ Stjtið. ESB L 354, 31.12.2008, bls. 1

⁽³⁾ Stjtið. ESB L 295, 12.11.2011, bls. 1

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 4. desember 2012.

Fyrir hönd framkvæmdastjórnarinnar

Forseti.

José Manuel BARROSO

VIÐAUKI

Í stað færslanna fyrir E 901, E 903, E 904 og E 905 í E-hluta II. viðauka við reglugerð (EB) nr. 1333/2008, í matvælaflökki 04.1.1., „Heil fersk aldin og grænmeti“, komi eftirfarandi:

„E 901	Bývax, hvítt og gult	<i>eftir þörfum</i>	Einungis til yfirborðsmeðferðar á aldinum: sítrusvöxtum, melónum, eplum, perum, ferskjum, ananas, banönum, mangóum, lærperum og granateplum og sem húðunarefni fyrir hnetur	Gildistími fyrir banana, mangó, lærperur og granatepli: Frá 25. desember 2012.
E 903	Kamúðavax	200	Einungis til yfirborðsmeðferðar á aldinum: sítrusvöxtum, melónum, eplum, perum, ferskjum, ananas, granateplum, mangóum, lærperum og papæjaldinum og sem húðunarefni fyrir hnetur	Gildistími fyrir granatepli, mangó, lærperur og papæjaldin: Frá 25. desember 2012.
E 904	Skellakk	<i>eftir þörfum</i>	Einungis til yfirborðsmeðferðar á aldinum: sítrusvöxtum, melónum, eplum, perum, ferskjum, ananas, granateplum, mangóum, lærperum og papæjaldinum og sem húðunarefni fyrir hnetur	Gildistími fyrir granatepli, mangó, lærperur og papæjaldin: Frá 25. desember 2012.
E 905	Örkristallað vax	<i>eftir þörfum</i>	Einungis til yfirborðsmeðferðar á aldinum: melónum, papæjaldinum, mangóum, lærperum og ananas	Gildistími fyrir ananas: Frá 25. desember 2012“